

'ի վերայ գերեզմանի Թագաւորաց, ելանել անտի 'ի Գողգոթայ. զառաջին աստիճանս խախտեալ արարին ջրմուղ: ԶԳողգոթայն և զՏարածման տեղին երկարեցին 2 կանգուն դէպ 'ի Պատանատեղն, և 'ի մէջ սորա բացին կրկին դրունքս. զսենեակս Գողգոթային խառնեալ ընդ կոչնակատեղւոյն՝ երկար դարպաս արարին, և 'ի մէջ սորա բացին կրկին դրունքս: Ի ներքս զհին սեղանատունն նորոգեցին և զմի սենեակ շինեցին, նոյնպէս և զվերին յարկս սոցին յարդարեցին՝ ընդարձակեցին զՓոխանորդարանն առեալ տեղի 'ի Ղպթոց. մերձ 'ի խորանն Փուշ պսակի բացին մի դուռն: Փուշ պսակի, Ղունկիանոսի և Հանդերձ բաժանման խորանաց վանդակս (տրապիզին) քարեայ արարին, զի յառաջագոյն փայտեայ էր. զսեղանն Հանդերձ բաժանման սյանդակ շինեցին. 'ի մէջ Ղունկիանոսի և Հանդերձ բաժանման խորանաց բացին դուռն, եւ 'ի վիճակէ Ղպթոց գողացեալ տեղի 1 խուց արարին, և զդուռն զանձատան որ էր 'ի կողմն Բանտին, փոխեցին մերձ 'ի Ղունկիանոսի խորանն. զմի մասն Բանտին կամարաւ հաղորդեցին մերձ 'ի Ղունկիանոսն, 2 կանգուն բարձր. 'ի վերայ սորա 2 մեծ սենեակ. զկամարն կոչնակատեղւոյն 1 կանգուն երկարեցին 'ի կողմն Փուշ պսակի. և զտաճարն իւրեանց յերկայնութեան յերկուց կողմանց 4 և 'ի լայնութեան 1 կանգուն ընդարձակեցին, և կողմնակի զերկոսին պարիսպսն կրկնակի բարձրացուցին, և զյետինն 1 կանգուն, և 'ի տեղի երկաթի վանդակաց 'ի կողմն Գերեզմանին 'ի քարէ շինեցին բարձր քան զառաջին. զխաչկալն կրկնապատիկ բարձր, և զայլ տեղիսն տաճարին գեղեցկութեամբ զարդարեցին: Ի չրջապատս կաթուղիկէին երկաթեայ վանդակս արարին, նոյնպէս 'ի չրջապատս տաճարին իւրեանց կրկնակի: զՍուրբ Գերեզմանն յերկայն 2, 'ի լայն 1, և 'ի բարձր 2, զիւրքր կաթուղիկէն կրկին բարձր. զՍ. Գերեզմանն ցած, և 'ի տեղի առաջին պատկերի՝ մարմարիոն երեւոյթ ինչ կանգնեցին, և 'ի խազնէ անուանեալ տեղին փոքր կաթուղիկէ 12 մարմարիոն սեամբ, և մասն ինչ 'ի կեդրոնի ուր կանգնեալ էր Հրեշտակն, որ այժմ ասի Հրեշտակի վէմ. զբոլոր կերտեալ հին քարինս Գերեզմանին ներքոյ և արտաքոյ բարձին, և զմեծ գմբեթն քան զառաջինն բարձրացուցին,